

黃黎洲先生年譜

敘

國初所稱三大儒者北則容城孫夏峯先生西則整屋李二
曲先生東南則我遺獻文孝公也維時三峯鼎立宇內景從
無所軒輊於其間然身世之迍邐著述之宏富聲氣之應求
公視孫李有加焉公嘗自作年譜貽鄭高州豫以志銘相屬
居無何鄭氏不戒於火失所藏敝廬碎遭水火并副本亦歸
烏有嗚呼豈天不欲公之嘉言懿行與夫荼苦蓼辛之狀昭
示來世耶抑其時忌諱甚嚴欲使起軍存亡乞師諸大案泯
沒其跡以避无妄之災耶乾隆間叔祖穉圭公稟集遺書欲

輯公年譜未及編次遽歸道山厥後敬旃從兄思踵祖志旋

抱沉疴招

炳

謂之曰昔小雷公尋兄萬里得七世宗子遺獻

公表章之而益顯子則遺獻七世宗子也年譜之編輯舍子

其誰屬哉

炳

曰遺獻雖仇魏闕腰緼虞淵學包董鄭行侔夷

魚性理文章海內宗仰夫何待後人之表揚雖然陽明戴山

二先生年譜久行於世而遺獻沒且百餘十年未及年譜後

人之咎奚辭焉况遺獻運丁陽九黨錮之餘繼以兵革兵革

之後繼以水火其間圍城捕檄變姓易名潰軍焚寨崩屋絕

糧以及灑血淚於扶桑冒鯨波於滄海所謂野葛之味不止

一尺者固當大書以彰苦節也於是發篋得行畧神道碑三
大儒傳文案文定詩麻行朝錄思舊錄爲藍本旁搜各家文
集明末野史省府縣志等書信者采之疑者闕之倣王陽明
先生年譜之例事節其要文取其簡再易寒暑而書成嗚呼
公歿於康熙乙亥孟秋距炳生於嘉慶乙亥孟秋花甲僅再
周耳孟子曰君子之澤五世而斬以父子繼世論之已六世
而有餘以卅年一世論之計五世而不足則夫抱殘守缺搜
輯於風微人往之餘有足見公梗概者謂非遺澤尙存哉辛
酉壬戌間炳攜此譜暨羣籍避亂北鄉僦居一室寢處在南

牖而置書北牖下賊將至居停主人曰南牖明北牖暗置書
暗中賊疑有寶物藏焉者書必毀盍置於明處使賊一覽而
知爲書也庶免於蹂躪乎乃移書南牖下而奔避他所已而
賊至舉火焚廬朔風大作餘宅皆燔北牖亦燬延及屋脊賊
遽退天亦反風居人出救火而南牖僅存譜竟無恙嗚呼此
非文孝公在天之靈有以呵護之耶不然鮮有不爲鄭氏之
續矣寇氛旣熄文教聿興殘明紀事之書次第錄出迺復博
採旁稽重加釐訂每條下不註出處者因一條中多參用羣
書不便備註且以所引之書博雅所共知也今春朱鎮夫孝

廉過留書種閣愆憇付梓且願助貲焉旣而林君祥純謝生
高樹謂公實海內百世之師譜豈黃氏一家之書哉出貲各
梓一卷而公生平之行事庶後人得覘其覩縷矣若夫事可
徵信而年次未詳者當別爲補遺一卷附於後

同治癸酉斗指未申兩辰之月大盡前一日曁孫炳屋謹識

梨洲先生小像




七世孫炳崖敬摹

初錮之為黨人繼指之為游俠
終創之於儒林其為人也蓋三
變而至今豈其時為之耶

抑夫人之有遐心 自題

世系圖

諱萬河字
 時通號鶴
 山先世發
 人宋建炎
 間有為慶
 元通判者
 佚其諱金
 人陷城不
 屈死之子
 三人次即
 公也兄萬
 一居定海
 弟萬三居
 慈谿公自
 慈谿之竹墩
 徙居餘姚
 竹橋七世
 孫慶卿公
 作宗諱以
 公為始祖



十一世

雷

字伯震號大雷

璽

字廷璽號小雷萬里尋兄事詳明史孝義傳崇祀忠義祠

謙

森

棠

謙

行榮十九

十二世

諒

字素菴

諤

謙

十三世

稔

字東河

穩

謙

行富四十五無後

十四世

大綬

字對川贈太僕寺卿

諱

字仲川

十五世

日中

字鯤漢封太僕寺卿崇祀忠義祠

日坤

字龍蟠郡庠生

日文

字順川

日甯

字鵬池

十六世

尊素

字真長號白安萬麻丙辰進士官擢甯國府推官擢山東道御史劾奄遇害崇禎初贈太僕寺卿賜祭葬諡忠端事詳明史及年譜崇祀忠義鄉賢二祠有文集兩朝列卿記行世

等素

字白崖任應天府經歷

符素

字靈超庠生

葆素

字季直庠生選姚江逸詩

十七世

宗義

字太沖號南雷又號梁洲著書五十餘種行世諡文孝崇祀府庠事蹟詳年譜

宗炎

字晦木號立谿又號鷓鴣塢勝生有周易象辭二晦山樓集

宗會

字澤望崇禎甲申拔貢有縮齋集四明山遊錄

宗軼

字司與邑庠生

宗彝

字孝先

十七世 十八世 十九世 二十世 廿一世 廿二世 廿三世 廿四世

宗義

百樂

千頃

武萬

璧

徵謀

源屋

維靖

黎洲公

字素疾

字文度

字毅公

字拱圖泰

字慶貽

字左泉業儒未娶而亡

字與安未娶而亡

家錄云

留窮草

庠生贈

號管村

祝生

晚號冲齋國學

炳屋

字與安未娶而亡

公以米

梓行

江蘇沭

贈文林

字瑞書

生

字蔚廷號藪亭

字與安未娶而亡

義為宗

正誼

陽縣知

從化縣

字瑞書

生

字蔚廷號藪亭

字與安未娶而亡

子七世

字直方

字天英

居邑城

字瑞圭號

生

字蔚廷號藪亭

字與安未娶而亡

矣故縣

行脚草

字天英

居邑城

字瑞圭號

生

字蔚廷號藪亭

字與安未娶而亡

至公為

今無後

字天英

居邑城

字瑞圭號

生

字蔚廷號藪亭

字與安未娶而亡

一團明

字主一

字天英

居邑城

字瑞圭號

生

字蔚廷號藪亭

字與安未娶而亡

大宗也

號不失

字天英

居邑城

字瑞圭號

生

字蔚廷號藪亭

字與安未娶而亡

子又七

聘修明

字天英

居邑城

字瑞圭號

生

字蔚廷號藪亭

字與安未娶而亡

傳復為

其有學

字天英

居邑城

字瑞圭號

生

字蔚廷號藪亭

字與安未娶而亡

一團增

失餘詩

字天英

居邑城

字瑞圭號

生

字蔚廷號藪亭

字與安未娶而亡

焉

稿勾股

字天英

居邑城

字瑞圭號

生

字蔚廷號藪亭

字與安未娶而亡

原梓行

知測解

字天英

居邑城

字瑞圭號

生

字蔚廷號藪亭

字與安未娶而亡

球

字濟遠國

字天英


居邑城

字瑞圭號

生

字蔚廷號藪亭

字與安未娶而亡



黃梨洲先生年譜卷上

七世孫 炳屋 編輯

公諱宗羲字太沖號南雷忠端公之長子居餘姚通德鄉黃竹浦明魯監國時以副憲從亡鼎革後講學甬越間屢徵不起大江以南之士多從之世稱梨洲先生卒後門人私謚曰文孝

明萬曆三十八年庚戌八月八日戌時公生

姚太夫人將分娩忠端公預推祿命年月庚戌乙酉得日時庚辰丙戌配合極佳然須聞金鼓之聲乃驗適有里樓

鳴鈺擊鼓而公生日者謂與孔子生物只差一字

見文定孔子生

卒歲月辨乳名曰麟太夫人夢有麟瑞故也公生而岐嶷壯能舉鼎貌古而口微吃額角有紅黑痣如錢左右各一或曰此日月痣云

三十九年辛亥公二歲

四十年壬子公三歲

四十一年癸丑公四歲

八月乙未十月曾王母章太淑人卒十一月丁丑二十日

王父贈太僕對川公卒

四十二年甲寅公五歲

四十三年乙卯公六歲

秋忠端公舉於鄉

四十四年丙辰公七歲

春忠端公成進士 七月辛未三仲弟晦木公生諱宗炎

四十五年丁巳公八歲

忠端公授甯國府推官公隨任

四十六年戊午公九歲

叔弟澤望公生諱宗會

四十七年己未公十歲

四十八年庚申公十一歲

天啟元年辛酉公十二歲

二年壬戌公十三歲

自甯國回姚赴郡城應童子試過空樓聞笑語弈棋聲遂
登樓睇視見有五六人倉皇急避公追躡惟見五通神之
像設焉此時公以孤身童子凝視弗怖也 七月庚戌

十六

日季弟司輿公生

諱宗模

忠端公考授御史懸缺假歸

三年癸亥公十四歲

補仁和博士弟子員 秋隨侍忠端公至京 見朱公未

孩 大典 於李皇親園中 冬忠端公授山東道監察御史

公在京邸好窺羣籍不瑣守章句忠端公課以制義公
於完課之餘潛購諸小說觀之太夫人以告忠端公曰亦
足開其智慧

四年甲子公十五歲

時逆奄竊政黨論方興楊忠烈 連 左忠毅 光斗 魏忠節 大

中 諸公與忠端公爲同志常夜過邸寓屏左右論時事獨
公在側故得盡知朝局清濁之分

五年乙丑公十六歲

三月忠端公以劾奄媼魏忠賢客氏削籍歸 季弟孝先

公生

諱宗彝

十二月公娶葉安人爲同邑廣西按察使六

桐先生

諱憲祖

女

安人時年十七

六年丙寅公十七歲

三月忠端公與高忠憲

攀龍

周忠介

順昌

繆文貞

昌期

周

忠毅

宗建

李忠毅

應昇

周忠惠

起元

先後被逮公送至郡

城劉念臺先生

諱宗周

餞之蕭寺忠端公命公從之遊 閏

六月辛丑朔忠端公卒於詔獄凶問至太夫人痛哭至暈

絕公勸解太夫人曰汝欲解我第毋忘大父拈壁書耳蓋
封太僕鯤溟公嘗於公出入處大書爾忘勾踐殺爾父乎
八字拈於壁公受教痛哭 冬書窗油盞燈炷時吐青珠
細於芥子堅不可破竟夕可得圭撮如是者月餘或曰此
草舍利也 吳縣金孝廉宜蘇渾與徐公石麒麟均係戊午江南鄉試忠端
公分房來弔痛哭而去後宰英
所得士 德殉難

七年丁卯公十八歲

構李徐忠襄公寶摩

石麒麟端
公門生

渡江來弔臨行謂公曰學

不可雜雜則無成無亦將兵農禮樂以至天時地利人情

物理可以佐廟謨裨掌故者隨其性之所近併當一路以爲用世張本此猶蘇子瞻教秦太虛多著實用之書之意也

崇禎元年戊辰公十九歲

袖長錐草疏入京頌冤過杭遇華亭陳眉公先生

繼儒

公

出疏先生隨筆改定

疏載頌天臚筆

先是忠端公三劾魏奄奄恨

甚嗾曹欽程參之削籍後訛言繁興謂三吳諸君子謀翻

局忠端公用織造奄李實爲張永授以秘計魏奄大懼使人噍李實令出疏自解實遂以講學興大獄而忠端公被

禍至是公頌冤至京則魏奄已磔有詔死奄難者贈官賜
祭葬錄後如例公上疏謝恩并請極逆黨曹欽程李寶等
得旨刑部作速究問 五月刑部會訊許顯純崔應元公
對簿出所袖錐錐顯純流血被體顯純自訴爲孝定皇后
外甥律有議親之條公謂顯純與奄構難忠良盡死其手
當與謀逆同科夫謀逆則以親王高煦宸濠尙不免於戮
况皇后之外親乎卒論二人斬妻子流徙公又堪應元胸
拔其鬢歸而祭之忠端公神位前又與吳江周公子廷祚
忠毅公光山夏公子承之令共捶所頭獄卒葉咨顏文仲應時

而斃蓋顯純爲大理與應元承順逆旨拷問忠端公葉顏

二人則乙丙被難諸公皆其所手害者也

時欽程已入逆案

六月

會訊李實李永貞劉若愚三奄於中府李實辨原疏不自

己出忠賢取其印信空本令永貞填之故墨在硃上陰使

舉人袁某致三千金於公求勿質公卽奏之謂實當今日

猶能賄賂公行其所辨豈足信復於對簿時以錐錐之獄

竟偕同難諸子弟設祭詣獄中門讀文未畢

魏公子學謙爲文莫

不狂哭觀者亦哭左右入告莊烈莊烈嘆曰忠臣孤子甚

惻朕懷

秋奉忠端公柩南回過京口有寺作佛事公入

觀之有神位書忠端公姓名前設伊蒲之饌公痛哭而拜
一寺皆驚 冬劉念臺先生來弔褰帷以袖拂棺塵痛哭
而去

二年己巳公二十歲

郡中劉念臺先生與石梁陶氏夷齡講學石梁之弟子授
受皆禪且流入因果先生獨以慎獨爲宗旨至是講學蔽
山公邀吳越知名之士六十餘人共侍講席力推石梁之
說惡言不入於耳 六月辛未十八日長子棄疾公生諱

之嘉善謁錢御冷士升相國求先公墓文 之雲間訪

陳眉公先生於來儀堂精舍留信宿而別又見張侗初先生兼於其家時先生已病革謂公氣清他日遠到勿忘老夫之言也 冬旋里十一月丙午二十五日卜葬忠端公於隱鶴橋

三年庚午公二十一歲

奉太母盧太淑人之南京應天府經歷署公季父白崖公時爲經歷番

馬韓孟郁上桂以南京國子監丞左遷照磨其署與經歷

署但隔一牆公所夕過從孟郁始授公詩法 時南中爲

大會金壇周儀部仲馭鑑招公入社南司空何匪莪喬遠

又招公入詩社九日大會於鳳凰臺南中詞人如在遺民

逸林茂之古度黃明立居中林若撫雲鳳閔士行景賢皆

與公相契 宣城沈徵君眉生壽民勸公理經生之業始

入場屋榜發後太倉張天如先生溥爲會於秦淮舟中一

時在會者楊維斗廷樞陳臥子子龍吳駿公偉業萬年少

壽祺蔣鳴玉彭燕又吳來之其以下第與者公與眉生昆

仲而已 南回遇文文肅公震孟於京口同舟至吳門文

肅見公落卷後場嗟歎久之謂異日當以大著作名世一

時得失不足計也 周儀部仲馭來姚訪公於黃竹浦柳道

傳詩延連黃竹浦

竹浦之稱始此

四年辛未公二十二歲

忠端公被逮時途中謂公曰學者不可不通知史事將架上獻徵錄涉略可也公至是發憤自明十三朝實錄上溯二十一史每日丹鉛一本遲明而起雞鳴方已兩年而畢

五月辛卯

十八日

王父封太僕鯤溟公卒先是公因匠事

未敦步行四百里冒暑至諸暨購歸美楨計直二百金太僕公摩挲久之喜曰汝後日封贈及我亦是虛名今日之孝乃實事耳

五年壬申公二十三歲

始與甬上陸文虎

符

萬履安

秦

兩先生交是時東林復社

爭相依附公所居雖僻遠城市不乏四方之客兩先生歲率三四至晚潮落日孤篷入港見者咸知其爲甬上訪公兄弟之舟也 崑山朱文靖公震青

天麟忠端公門生

見公詩稿

一冊卽囑豫章四子序之

六年癸酉公二十四歲

讀書武林南屏山下與江道闇

浩後改濟月

張秀初

岐然後改濟義卽仁

菴師同學

沈徵君眉生返自海外訪公於竹浦不遇而去

秋眉生暨蕪湖沈崑銅

士柱

至武林與公同寓孤山讀

書社諸子皆來相就

當時杭有讀書社
小築社登樓社

三峯

卽漢

開堂

於淨慈寺一時龍象之盛前此未有蜀人劉道貞新得法

馮儼公

儼

與張秀初江道聞邀公定交公與江右劉進卿

同升

及沈眉生崑銅諸文士同往入室講論語周易僉謂

鑿空新義眞石破天驚也

叔弟澤望公補博士弟子員

太夫人四旬壽辰

十二月二日

甬上萬履安陸文虎兩先生

刻崑銅壽啟至期來祝瞿御史稼軒

式相

作詩數章爲壽

七年甲戌公三十五歲

仍與讀書社諸子讀書武陵時公講習律呂與張秀初取
餘杭竹管肉好均者截爲十二律及四清聲吹之以定黃
鐘 往姑蘇寓乾山管氏鑑家先生中興天台教於一時
名士皆譏貶以天台之學繭絲牛毛非沉默者難以承當
拳拳於公殷勤而別 太倉訪張天如溥受先采兩先生
聞某家有藏書公與天如提燈往觀 嘉善會葬魏忠節
公卽隨劉念臺先生還至省下適陳中書幾亭龍正以與
紹守書呈先生先生覽畢付公公一笑置之曰迂腐先生
久之曰天下誰肯爲迂腐者時高忠憲遺集初出公在舟

中盡日翻閱先生摘其闕入釋氏者以示公 返郡城邂

逅周仲於木蓮菴架上見其先人雲淵先生 述學 神道大

編數十冊方廣皆二尺餘欲盡抄其所有會仲遊楚不果

八年乙亥公二十六歲

正月丁丑 二十 太母盧太淑人卒 六日

九年丙子公二十七歲

二月過長洲謁文文肅公 過虞山訪錢宗伯 馮公留

仙 元 招公入太倉守道署閱卷既而馮公以勤王行公

送辭出 赴杭偕仲弟晦木公叔弟澤望公應解試 公兄 弟五

人仲叔兩弟公自教之不數年皆大有聲儒林有東浙三黃之目當時考官皆欲搜公兄弟出其門下而卒不相值論者惜之

十二月遷葬忠端公於化安山初忠端公喪歸卜葬於隱鶴橋門人徐忠襄公爲狀嘉善錢相國御冷爲銘鄉人之在逆案者如天子有表章忠義之事出而爲難至是遷葬文文肅公爲銘

十年丁丑公二十八歲

武林馮儼公懔來訪 二月分守道南海謝公雲虬奉命

諭祭忠端公府縣僚屬暨紳士來饌者雲集公應之不露

寒儉之態 秋偕澤望公之杭

十一年戊寅公二十九歲

之宛上訪沈眉生徵君不遇欲抵安慶徵君弟治先

壽國

知之拉公入城則梅朗三

朗中

麻孟璇

三衡

與徐律時顏

庭生十餘人出迎於路遂寓徐乾岳家

律時父

欵留十日至

朗三家登三層樓發其藏書朗三贈公以陳旅集將行出

宿治先家公臥後治先發公匣空無所有以五十金置其

中鎖如故遲明公知之謂治先曰此子會銀也

其壁上凡有會單

人窘則舉會奈何以餉余乎堅辭不受之池州訪劉伯

宗城信宿而別

時中官復用事逆黨其冀然灰阮大鍼

以重賄新聲招搖白下七月金壇周仲馭鑣與宜興陳定

生貞慧貴池吳次尾應箕出南都防亂揭集諸名士攻之

以顧子方杲端文公孫與公爲首次左碩人國柱子直國棟二人忠毅

子沈眉生壽民沈崑銅士柱魏子一學謙忠節公子等公又與諸

死奄難者之孤大會於桃葉渡齊聲晉大鉞大鉞銜之刺

骨此條行畧作十二年茲據神道碑及公所作陳定先生墓誌在此年金陵刻忠端公

集楊維斗先生過訪遂請爲序返里曾波臣鯨來姚寫

忠端公像 武林鄭元子鉉與馮儼公宗渡江來訪村路

泥滑同來沈長生不能插腳元子笑言黃竹浦固難於登

龍門也 注謝臯羽西臺慟哭記冬青引

十二年己卯公三十歲

子劉子講學之時圓澄圓悟兩家子孫欲以其說竄入子

劉子每臨講席而歎公於是至郡城邀一時知名士王士

美業洵王元趾毓者等十餘人進於函丈退而爲浙東文

統之選彼釋學之黠者其氣爲之消沮 赴南京應解試

過吳江訪周公子長生廷祥過句容訪周儀部仲馭鑣至

金陵金僉院天樞光辰之弟天駟光房以天界寺私室寓

公公病瘧吳子遠道凝求茅山道士得藥一九公念朋友

之真切不忍虛其來意些少服之 是時江右張爾公自

烈舉國門廣業之社四方名士畢集而與公尤密者宣城

梅朗三朗中無錫顧子方杲宜興陳定生貞慧廣陵冒辟

疆襄商邱侯朝宗方域桐城方密之以智無日不相徵逐

也朝宗侑酒必以紅裙公謂爾公曰朝宗之大人尙書方

在獄豈宜有此吾輩不言終爲損友爾公以爲然事詳公所著思

舊錄

十三年庚辰公三十一歲

歲大稔邑中點解南糧充是役者家覆諸叔皆相向泣公

告羅黃巖遏禁蒸巖謀於倪鴻寶

元璐

祁世培 彪佳

王義

雲口三先生而其事得集

過臨海訪陳木叔先生

函輝

過剡溪鄧使君雲中

錫蕃

館之於圓超寺臥雪者數日

公有大雪封山城寂寞老僧刺血字模糊之句 公往來

台越間以其暇遊天台雁宕諸名勝作台宕紀遊 是年

仲子直方公生

諱正誼

十四年辛巳公三十二歲

之南中主黃比部明立

居中

家千頃堂之書至是繙閱始

遍公自庚午迄辛巳嘗主於其家

朝天宮有道藏公自易學以外有于

涉山川者悉手抄之 聞焦氏書欲售公急往訊因不受
奇零之值而止 與宣城梅朗三共晨夕者數月一日出
步燕子磯看漁舟集岸斜陽掛網有言某家多古畫公與
朗三往觀二更而返 陶禮部英人邀飲吳次尾袖出一
紙欲拘顧媚公引燭燒之一笑而罷 都御史方孩未
震 孺 過訪謂公曰君文有師法不落世諦真古文種子也
冬葬外舅葉六桐先生施副院 邦曜 題主公祀后土副院
言天下將危吾輩不知稅駕何所

十五年壬午公三十三歲

建忠端公祠卜地邑西之西石山爲呂氏書室用官價百

金買之同邑在逆案以太常卿回籍者蔣某

萬厯辛丑進士事詳兩朝

剝復錄

嗾其黨爭地東浙士大夫皆爲之不平時兩馮公中

丞留仙

元颺

尙書鄴仙

元颺

陸文虎

符

萬履安

泰兩孝廉

劉瑞當

應期

明經凡十餘人會哭祠下祭文傳播黨逆者

咋舌而死

公有忠端祠神絃曲一卷

入京應試徐忠襄爲司寇客公

公與陸文虎先生讀書於萬駙馬北湖園中

時朝中以

補諡一欵爲節目臺疏如馬培原等或出疏或抄參不止

一沈侍郎滄嶼也七月杪金僉院天樞過訪立索公疏上

之未幾京師戒嚴不果行

後十七年管侍御紹甯疏請得諡忠端

榜後陽

羨周相國

延儒

欲薦公爲中書舍人力辭不就一日遊市

中聞鐸聲曰此非吉聲也遽雨歸

十一月丙子

十日自京

回越數日約諸弟遊四明洞天遲晦木公不至中輟後十

一月戊申

十二日

遂令促裝繇藍溪而進月夜走甯巖探石

質藏書處宿雪竇觀隱潭冰柱大雪登芙蓉峯歷鞠侯巖

至過雲識所謂木介

公有過雲木水記

甲寅抵家晦木公爲賦淨

望公爲遊錄公則爲四明山志

俱已校梓

陳臥子爲紹興推

官姚邑有疑獄公爲言於臥子出死罪二人多傳頌者

十六年癸未公三十四歲

之梳與沈崑銅同寓湖上 秋與澤望公之崇德寓東寺

義士孫子度爽聞公至卽來訪翼日過子度舍遂要之出

京口沂長江至金陵而別 十月丙戌二十日季子圭一公

生諱百學後改百家 太夫人五旬壽辰同邑副院施忠愍公邦

曜將赴名先期來祝云余友黃太冲跋山之高第弟子也

及期載山先生製序使長公伯繩洵至竹浦爲壽張樂演

鳴鳳記至椒山寫本時太夫人不覺失聲而慟

黃梨洲先生年譜卷中

七世孫 炳屋 編輯

大清順治元年甲申公三十五歲

四月聞京師失守卽從劉念臺先生之杭寓吳山海會寺

與章公羽侯

正宸

朱公未孩

大典

熊公雨殷

汝霖

爲名募

義旅計已而福王監國之詔至公遂之南中上書闕下時

阮大鍼以定策功驟起思修報復遂廣揭中人姓名

共一百四

十造蝗蝻錄

以東林爲蝗復社爲蝻

欲一網殺之里中有奄黨某首

糾念臺先生及其三大弟子則祁都御史世培章給事羽

侯與公也繼而里中奄黨徐大化之姪署光祿丞者復特
疏糾公遂與顧子方並逮陳定生亦逮至周仲馭論死沈
眉生吳次尾沈崑銅亡命左碩人子直兄弟入甯南軍公
等惴惴不保時鄒掌院虎臣與子方有姻連故遲其駕帖
公踉蹌歸浙東未幾大兵至得免

二年乙酉公三十六歲

四月之嘉興晤徐司寇寶摩石麟五月返杭晤熊行人魚

山開元感慨時事嗚咽而別六月徒步二百里至劉先

生家時越城已降先生避居楊塢公遂自繞門山支徑入

楊塤先生臥匡牀手揮羽扇勺水不進者已二十日矣公不敢哭淚痕承睫自序其來先生領之公復徒步而返

奉太夫人避居中村 大兵東渡郡邑望風迎附閏六月

我邑前吏科給事中熊公雨殷九江道僉事孫公碩膚

績以一旅之師畫江而守公與仲叔兩弟糾合黃竹浦子

弟數百人步迎監國魯王於蒿壩駐軍江上人呼之曰世

忠營 十月十日甬上陸行人文虎訪公因相與歎息浙

東之事 明年訃音亦值是日 十一月馬士英竄入方國安營欲朝

見羣臣言士英當誅熊公恐其挾國安爲患也曰此非殺

士英時宜使其立功自贖耳公曰諸臣力不能殺耳春秋之孔子豈能加於陳恆但不得謂其不當殺也熊公謝焉

十二月兵部主事攝餘姚縣事王正中

之仁從子

表進公所

作監國魯元年大統厯有詔優答宣付史臣頒之浙東

小腆

紀年隸九月今從行朝錄

公遺書總兵王之仁曰公等不從赭山進

師而日於江上放船鳴鼓攻其有備臺爾三府以供十萬之衆北兵卽不發一矢一年之後亦何能支又曰崇明江海之門戶盍以兵擾之亦足分江上之勢聞者皆是公言而不能用 官兵屯西石山忠端公祠抽屋材爲營火有

司鈺所致祭公方馳驅王事聞之泣然

三年丙戌公三十七歲

二月監國以公爲兵部職方司主事公請援李泌客從例以布衣參軍不許尋以柯公夏卿與孫公交薦改監察御史仍兼職方 張國柱劫王鳴謙由定海入內地縱兵大掠諸營大振廷議欲封以伯公曰如此則益橫矣何以待後請署爲將軍監國從之 陳總兵梧敗於柵李渡海至姚虜掠鄉聚王職方正中方行縣事遣兵擊之鄉聚犄角殺梧行朝息正中者以此聲討公謂梧之見殺犯眾怒也

正中爲國保民不當罪上疏救之乃止 公力陳西渡之策熊公再以所部西行攻下海鹽軍弱不能前進而返五月孫公嘉績以所部火攻營卒盡付公公與王正中合軍得三千人遂偕太僕寺卿陳潛夫職方查繼佐渡海割壇山適尙寶司卿朱大定兵部主事吳乃武皆從浙西來會師將由海甯取海鹽百里之內牛酒日至整軍抵乍浦約崇德義士孫爽等爲內應會 大兵已募嚴不得前 六月朔日澗河兵潰監國由海道至閩公歸入四明山餘兵願從者五百人結寨自固

公有四明山寨記

公駐軍杖錫寺微

服潛出欲訪監國消息爲扈從計山民畏禍突焚其寨部

將茅瀚

字飛卿歸安人

汪涵

字叔度梅谿人

死之公歸而跡捕之檄累下

奉太夫人徙居化安山丙舍

次年返故居

慈水劉瑞當先

生至唁慰憑弔悲嘯震空谷

四年丁亥公三十八歲

居山中甘露降注授時麻王侍御仲摛自郡城來受之而

去

公在窮島空山古松流水間布算箴箴自謂屠龍之技無可與語者所著有春秋日食麻授時麻故大統麻推

法授時麻假如回回麻假如西麻假如氣運算法勾股圖說開方命算測圍要義諸書約在此數年中

五年戊子公三十九歲

劉瑞當先生訪公於竹浦信宿而去 十月辛丑日季第

司輿公卒

公有志年二十有七

六年己丑公四十歲

監國還至海上公赴行朝晉左僉都御史再晉左副都御史 六月定西侯張名振由南田復健跳所七月壬戌公與大學士沈公宸荃劉公沂春尙書吳公鍾繼李公向中侍郎孫公延齡右僉都御史張公煌言扈監國次健跳所壬午北師圍健跳蕩湖伯阮進救卻之 王翊卻北師發使貢方物於監國張名振以表貢不由己達頗伎之公上

言諸營文則稱侍郎都御史武則稱將軍都督惟翊乃心
王室不自張大而兵又最強宜優其爵使之總臨諸營以
捍海上監國乃授翊右僉都御史明年晉翊兵部右侍郎

時國事盡歸定西侯卽閣臣張公肯堂亦不得有所豫

諸帥之悍甚於方王文臣稍異同其間立致禍公旣失兵

日與吳尙書震舟

鍾繼

正襟講學暇則註授時泰西回回

三麻已而中朝以勝國遺臣不順命者令有司錄家口

上聞公聞而歎曰主上以忠臣之後仗我我所以栖栖不
忍去也今方寸已亂不能爲姜伯約矣乃陳情監國得請

問行歸家吳公駕三板船送之二十里外嗚咽濤中 八

月四十初度有句云先公殉國餘三載忠端公殉難時四十三歲孔子

懸弧易一辰公祿命與至聖只換一時是年所作詩名窮島集 山中

亂奉太夫人徙居邑城明年返故居 十月監國由健跳至舟

山復召公偕馮侍郎躋仲京第副澄波將軍阮美乞師日

本抵長埼不得請公爲賦式微之章以感將士是馮公第二次乞師

事有日本乞師紀海外慟哭紀案全氏祖望曰公日本乞師紀但載馮公奉使始末

而於已無與惟避地賦有日歷長埼與薩斯瑪夸方粉飾

夫隆平又曰返余旆而西行兮胡爲乎泥中則是公嘗偕

馮以行而後諱之又案神道碑所載有贛州失事紹武爭

立紀舟山興廢沙定洲紀亂賜姓木末各一卷皆此數年

間所紀後合隆武魯監國永祿紀
年爲行朝錄又有汰存錄一卷

七年庚寅公四十一歲

時大帥治浙東凡得名籍與海上有連者卽行名捕公弟
晦木公以參馮侍郎軍事被獲待死牢戶中公潛至甬與
萬履安高旦中馮濟道諸公以計活之

詳見鮑琦亭集鷓
鴒先生神道表

三月公至常熟館錢氏絳雲樓下因得盡繙其書籍返
至崇德訪孫子度方欲與之劇談而陸麗京聞公至強之
入城同宿吳子虎家公有句云桑間隱跡懷孫爽藥籠偷
生憶陸圻 熊公夫人將逮入京公爲調護而脫之 冬

自西園移居柳下故次庚寅至乙未之詩爲老柳集猶昔

人之傷心於枯樹也

宅前向有老柳爲大風拔去三株僅存其一故云

外舅葉

六桐先生遷葬邑東西黃浦公送葬

八年辛卯公四十二歲

住柳下王侍御仲摛來訪 夏秋之交遣間使入海告警

九月丙子日二

大兵下翁洲山

卽舟

城陷監國再入閩 是

年季子壽生

九年壬辰公四十三歲

著律呂新義王仲摛侍御來受之而去

十年癸巳公四十四歲

五月華亭中山人自然

浦南

從汴梁蘇氏來訪梅雨連緜

蘇氏述其昨夢有裨舊史山人間戲爲江湖相士膏唇調
笑以破寂寞 太夫人六旬壽辰甬上萬履安先生以所
作正氣堂壽讌序來祝陽羨陳少保 于庭 定生 貞慧 父子
皆有詩爲壽

十一年甲午公四十五歲

元夕悼周侍者 定西侯間使至被執於天台公於是又

招名捕

冬送女之甬東朱氏

公第三女適諸生朱沆

寓萬氏寒松

齋與董次公

守諭

高且中

斗魁

兩先生話舊董以草廬易

纂言爲問公卽疏其卦下之義以答之 馮行人愷章乞

中丞留仙公神道碑銘

十二年乙未公四十六歲

從化安山至門士魏己任

思澄

故居愴然有賦

除夕季

子壽殤公最鍾愛集中有壙志故括丙申年之詩爲杏殤

集

十三年丙申公四十七歲

二月朔山燒將及禁坐夜同澤望公入化安山 三月墓

祭戴家山公與弟晦木澤望孝先三公均爲山賊所縛沈
李二君救之乃得放歸因避亂入城寓外家四月次子婦
孫孺人卒於寓五月一孫以痘殤公詩云八口旅人將去
半十年亂世尙無央紀其事也旋返故居而屋崩繼而糧
絕太夫人徙半霖秋返故居 慈水寨主沈爾緒禍作公
遭名捕脫死毫釐間仲弟晦木公被捕公頓足曰死矣賴
故人朱湛侯雅澹其子諸生
林公之長婿也諸雅六救之得免

十四年丁酉公四十八歲

春甬上高且中過訪

花朝前宿石井作詩誌慨

去年爲
山兵縛

至此

登蘿壁山碧霞元君祠

公爲仲子直方公就婚

上虞虞氏卽館於其家上虞之名山爲金罍羅巖鳳鳴其
遺民爲顏敘伯陸苞甫范哀生公於是得與往來遊覽權
然道古 至杭訪汪孝廉魏美源卽寓孤山講龍溪調息
之法各賦三詩契勘

十五年戊戌公四十九歲

同澤望公之郡城過滿聽軒弔倪鴻寶先生登柳橋弔王
元趾先生之杭寓臨慶寺吳門鄒文江來訪始得沈微君
眉生消息因作詩寄之時眉生已返故園 集丁酉戊戌兩年詩

名金疊集

十六年己亥公五十歲

二月之杭孤山訪汪孝廉雲居訪仁菴師 海上亂防海

之師望門而食故居苦於蹂躪乃移居剡中 卽化安山 有山居

雜詠詩公謂讀之橫身苦楚淋漓滿紙者也 晦木公奉

太夫人寓三溪口公間日往來定省 明年冬返故居 哭沈崑銅

有句云傳死傳生經二載果然烈火燎黃琮

十七年庚子公五十一歲

居龍虎山堂 四明北麓有化安山故宋所謂剡中也東峯狀類虎西峯狀類龍公丙舍適當其間因名

日龍虎
山堂

八月甲午

十一日

爲匡廬之遊過蕭山訪徐徽之

不遇渡錢塘天章寺晤高且中九月丙寅

十四日

抵南康辛

未入山拜李忠毅公祠宿開先寺與嚴羽儀夜坐遊萬杉

寺訪白鹿洞經淨妙寺歷凌霄巖登五老峯絕頂下萬松

坪遇徐州閻古古

爾梅

限韻賦詩大林寺尋虞永興碑歸

宗寺辨眞淨元社至玉川門與雁川夜話卽東方密之

檢

方以智時已爲僧

改名宏智字無可

十月丁亥

五日

返南康庚子舟發五老峯

下猶上雲龍寺探雨花洞遂之金陵復買舟至崇德適高

且中澤望公在城中入宿其寓十一月己巳

十八日

發崇德

丁丑返姚江有匡廬行腳詩匡廬遊錄刻入叢書

十八年辛丑公五十二歲

仍居龍虎山堂著易學象數

鈔入四庫全書新安門士校梓

元夕甬上

門士萬允誠

斯頤

季野

斯同

貞一

言

訪公山中

春暮之

甬上寓高氏小樓與辰四

斗檣

旦中

斗魁

昆仲賦詩話舊

王侍御仲攜來公授以天官王遁之學公方著緯書三

史仲攜欲居剡共學

常熟鄧孝廉起西

大臨時已爲道士

自甬

返過訪倡和旬日公與之偕至武林

歲盡避盜出龍虎

山權寓故居

康熙元年壬寅公五十三歲

元夕甬上萬子貞一來訪越數日郡中劉伯繩先生為忠正公

子來訪 二月壬子入龍虎山堂災五月乙亥三故居又

災公詩所云半生濱十死兩火際一年是也九月徙住藍

溪市卽陸家埭約是年詩爲露車集誌不安處也 著明夷待

訪錄次年冬削筆二老閣校梓公又著有留書一卷

二年癸卯公五十四歲

四月至語溪館於呂氏梅花開有水生草堂唱和詩 吳

孟舉之振暨猶子自收讀書水生草堂與公聯牀分藥共

選宋詩鈔踰月以第澤望公報病馳歸八月癸卯日澤望

公卒

詳公所
作壙志

太夫人七十壽辰公有句云白首有兒仍

向學浙河此母尚安全是年詩名心斷集用孟襄陽心斷
脊鴿原之句也 劉伯繩先生問律呂公以書答之

三年甲辰公五十五歲

二月同第晦木公偕高且中之語溪四月杪益以呂用晦
吳孟舉同至常熟適虞山病革一見卽以喪事相託公未
之答虞山言願鹽臺求文三篇

一莊子注序一顧雲華
封翁墓誌一雲華詩序潤

筆千金使人代草不合我意知非兄不可卽導公入室反

鎖於外公急欲出二鼓而畢虞山叩首稱謝 鄧起西以

精舍館公欵對數人張雪崖顧石賓皆起西之道侶也尋

與顧公子玉書

麟生裕
愍公子

訪李膚公

遜之忠
毅公子

於赤岸訪熊漁

山開元

於烏目

時熊受法於
靈岩繼公

返棹起西送公於城西楊忠

烈祠下涕泗而別

吳門訪周子佩

茂蘭忠
介公子

兄弟卽主於

其家越數日同第晦木公暨高且中上靈巖宏繼起儲集

文蒸符

秉文肅
公子

徐昭法

枋

周子潔鄒文江王雙白於天山

堂縱談七晝夜公篋中有文數篇昭法見之嗟賞不已謂

此真震川也繼起遂乞公作三峯第二碑公約文江同訪

沈眉生又江矢約公亦悵然而止 返杭寓湖上遇申山人自然於南屏公問其癸巳同來之客霜霰將盡相視唏噓淨慈嚴堂爲公燒豬沽酒痛飲而歸 六月返里甬上門士萬公擇斯選過謁見公詩稿零落許寫淨本公因汰其三之二取蘇文忠行記之意曰南雷詩麻是年詩繫之吳艇集 問劉伯繩先生病留郡城半月十月初復之語溪十二月初旋里

四年乙巳公五十六歲

春甬上萬充宗

斯大

季野

斯同 陳介眉

錫嘏

夔獻

赤衷

董

在中允瑄巽子道權吳仲允璘仇滄柱兆鰲等二十餘人

咸來受業信宿南樓而返公之語溪同晦木公暨萬子

公擇登龍山拜輔潛庵先生墓議重爲立碑有句云弟子

朱門無立傳憑誰好事記斯文公未刻稿有輔潛庵傳欲訪吳江

周長生不果行以長箋致之長生未答而逝嘉禾巢孝

廉端明鳴盛訪公於語溪八月呂用晦自平湖至傳汪

孝廉魏美卒范元長自江右至傳陳晉州士業卒十月又

聞申山人自然客死越三日家信至則叔父季真公亡矣

公類而哭之作八哀詩八哀詩合甲辰哭張司馬蒼水劉先生伯繩錢宗伯虞山仁菴義禪

師共
八人

建續鈔堂於南雷

五年丙午公五十七歲

仍館語溪之海昌同陸冰修

嘉淑

訪陳乾初先生

確

又偕

至朱康流先生

朝瑛

家公讀其所記五經劇談澈夜謂生

平大觀至金陵嘗入何元子

楷

署中討論五經至此而二

耳 五月望東歸旋復之語溪樵李高氏書歸於吳氏之

拔公在語溪三載閱之殆遍 邢氏曠園之書亂後遷至

化鹿寺公過郡與書賈入山翻閱三晝夜載十捆而出

六年丁未公五十八歲

二月之郡城邂逅王仲搆侍御懷愴話舊 子劉子講學

於證人書院正命之後虛其席者二十餘年九月公與同

門友姜定菴希轍張奠夫應鰲兩先生復爲講會公表顯

師門之學發前人所未發者大端有四一曰靜存之外無

動察一曰意爲心之所存非所發一曰已發未發以表裏

對待言不以前後際言一曰太極爲萬物之總名詳公所輯子劉

子行董吳仲疑意爲心之所存未爲得也作劉子質疑

公謂先師意爲心之所存與陽明良知是未發之中其宗

旨正相印合也詳見答吳仲書萬子貞一至自南潯以近作求

正 五月慈邑鄭禹梅梁始見公公授以子劉子學言聖
學宗要諸書禹梅聞公之論自焚其稿不留一字而名是
年後之稿曰見黃稿

七年戊申公五十九歲

始選明文案 至郡城仍與同門會講於證人書院有證
人會語公自謂始學於子劉子其時志在舉業不能有得
聊備叢山門人之一數耳天移地轉殫餓深山盡發藏書
而讀之近二十年胸中窒礙解剝始知曩日之孤負爲不
可贖也

公次婿茂林叢山家孫也公從其家搜得遺書乃
大闢其傳而公之學問才思復足以通暢之海內

翁然推為劉門董薛云

甬上諸門士請主鄞城講席三月公之鄞

與諸子大會於廣濟橋又會於延慶寺亦以證人名之公

學偏於大江以南而澗香所注莫如江東門下士如陳夢

獻萬充宗陳同亮仇滄桂陳介眉之經術王文三萬公擇

之名理張且復董吳仲之躬行萬季野公謂學問必以六

之史學鄭寒村之文章其著焉者也

經為根柢游腹空談終無撈摸於是甬上有講經會公深

術所著如易學象數論授書隨筆於經孟子師說等書皆發前人所未發

四月鄭子禹梅以古文謁公於竹橋

六年己酉公六十歲

春至郡城仍寓證人書院遊雲門諸勝有雲門紀遊詩八

首 毘陵惲仲昇先生 日初 來以所著劉子節要書欲公

序之且曰今日知先生之學者唯我與子議論不可以不

一唯於先師言意所在稍爲圓融公曰先師所以異於諸

儒者正在於意甯可不爲發明 詳見荅惲仲昇書 同弟晦木公

及從弟道傳公 諱宗裔 之語溪 八月公六十壽辰鄭子禹

梅萬子貞一欲徵文相寵公謂某不得遇先公之五十以

申其一日之愛何敢自有其五十六乎援念庵先生謝

祝之例辭之 冬觀海達蓬山有達蓬紀遊詩八首并作

海市賦香山寺志序 是年季弟孝先公卒

--	--	--

黃梨洲先生年譜卷下

七世孫 炳犀 編輯

康熙九年庚戌公六十一歲

閏二月丙午十九日同叩在晦木道傳諸公宿石井賦詩紀

事 秋之郡城寓證人書院山陰周允華率子弟升階再

拜求爲其祖雲淵先生作傳 之杭寓吳山越數日泛西

湖至南山歷高麗法相烟霞諸寺遂上風篁嶺酌龍井泉

尋壽聖院返宿鉢池菴明日冒雨披勾曲墓上湖船而回

作長歌紀之 冬爲甬上高且中題主至烏石山明日李

杲堂

文允

高辰四

斗權

元發

泰初

邀公入天童山曉

本哲

特爲上堂言韓文公來也遂同至阿育王寺觀舍利公力
辨其誣得沈眉生手書有句云春盡來書歲暮收從前
猶勝竟沉浮時眉生不通音問二十年矣冬盡雨雪十
日不止四野凶荒景象慘澹聊取平日之文自娛因爲選
定題曰庚戌集以生於庚戌今編次適遇庚戌其支干爲
再值也

十年辛亥公六十二歲

之郡城寓古小學魯庶常章菴

與

來訪觀公文歎曰三川

以後百年無此作矣 張郡侯來請修郡志公辭焉

十一年壬子公六十三歲

鄭子禹梅隨父秦川先生溱謁公於續鈔堂 選姚江逸

詩公平日於諸家文集凡關涉本邑者必為記別是年始

選定凡十五卷已校梓後又輯姚江文畧姚江瑣事尚未梓作贈少保施忠愍公

傳并議立其弟之子銘為後議載文定後集

十二年癸丑公六十四歲

適甬上范友仲引公登天一閣發藏書公取其流通未廣

者鈔為書目遂為好事者流傳崑山徐尙書健菴乾學使

門生膽寫而去 太夫人八十壽辰孫徵君夏峯先生逢奇
時年九十矣 寄到理學宗傳一部并壽詩一章李徵君映碧先
生清 寄所著鶴齡錄爲壽巢孝廉端明亦爲文以祝公有
謝祝壽諸君子詩

十三年甲寅公六十五歲

時羣盜滿山奉太夫人之海濱第四門寓諸九徵來聘書

室室容一几三几之內寢竈圖書咸在焉暇則汎汝仇湖
歷牛屯輿泊九龍亭觀石壁盤像訪東山寺畧臨山以觀
海 發篋得半山詩 景州詩 諸公詩藁續齋文集望

公皆爲之校正作序一唐陸魯望皮鰐美有四明山倡和詩分爲九題後之言四明名勝者莫不淵源於是公作四明山九題考并各繫之以詩

十四年乙卯公六十六歲

南山亂定閏五月還故居 秋孫千頃過訪遂同遊永樂

寺 八月有客自長洲來接沈眉生四月二十日手書而

眉生於五月三日逝世此書蓋絕筆也 車廐謁楊慈湖

先生墓 明文案選成共二百十七卷

鈔入四庫全書後廣爲文海四百八

十二卷亦鈔入四庫全書

十五年丙辰公六十七歲

二月之海昌安陽許侍郎西三

三禮

爲邑令以公會主教

於越中甬東戒邑士大夫胥會於北寺崑山徐果亭

秉義

宮詹來健菴大司寇遣門人彭羨門

孫適

來公曰諸公愛

民盡職卽時習之學也留兩月省覲歸作留別海昌同學

序

顧甯人先生

炎武

寓書於公以所著日知錄呈請評

彈

六月己未

八日

葉安人卒公囑鄭子禹梅作墓誌銘

九月復之海昌與朱止谿先生

嘉徵

剪燭論文九日同仇

滄柱陳子棨子文查夏重范文闕出北門至范文清東籬

有句云如此江山殘照下奈何心事菊花邊 讀蘇子美

哭師魯詩次其韻哭沈眉生徵君公嘗謂終身惻惻之力

眉生與陸文虎二人而已 許公約十月朔日至海鹽雲

岫山卽鷹窠頂觀合朔前一日公與仇滄柱邵蓼三陳彝仲至

其地許公遲之寺中五更時起觀之遇雨有鷹窠頂觀日月並升記遂

至胡考輟先生家觀藏書其子令修爲公發其故篋 集

忠端公祠墓碑銘爲正氣錄刻之 明儒學案成共六十

二卷鈔入四庫全書安陽許氏甬上萬氏各刻數卷而輟故城賈氏所刻雜以臆見惟慈水鄭氏續完萬氏所

未刻爲善本厥後莫寶齋侍郎晉重梓之本亦有賈氏攬入處後又輯宋元儒學案尙未

成編遺命主一公成之甬上全謝山太史祖望又續修之共一百卷慈水馮五橋雲濂校刊

板旋燬道州何子貞編修紹基重刊

十六年丁巳公六十八歲

仍主海昌講席公每拈四書或五經作講義令司講宣讀讀畢辨難蠶起公曰各人自用得着的方是學問尋行數墨以附會一先生之言則聖經賢傳皆是糊心之具朱子

所謂譬之爛籠添得一條骨子則障了一路光明也公在海昌

凡五載得公之傳者無間焉惟甬上董子在中自京來勾股之學陳言揚得其傳耳

寄到葉訥庵學士方藹五古三百五十字愆恣就道公卽

次其韻勉其承莊渠之絕學而告以不出山之意 陸文
虎先生之喪尙在淺土公聞之泫然歎曰是余之罪也夫
乃告於世之爲郭元振者而使契弟子萬充宗董其事且
憶其生平之崖畧而誌之 甬上錢魯恭來求忠介公

樂傳公謂二十年來乘桴之事若滅若沒停筆追思不知

流涕之覆面也 李杲堂先生 女允 至爲會稽余若水 增

遠求銘公傲葉水心併誌陳同父王道夫之例作余若水

周唯一 齊曾 甬人 兩先生墓誌銘杲堂又謂公曰文山屬銘於

鄧元荐以元荐同仕於行帳也今行帳之臣無在者蒼水

張司馬之銘非子而誰公乃按奇零草北征錄次第之以

煌言

司馬葬杭之南屏

冬囑鄭子禹梅作忠端公集序

十七年戊午公六十九歲

詔徵博學鴻儒掌院學士葉文敏公

方藹

以公名面奏

聖祖仁皇帝且移文吏部公門人陳庶常怡庭

錫嘏

大驚曰

是將使先生爲疊山九靈之殺身也因代爲力辭乃止

狀行

作己未年事今從神道碑係戊午

至海昌許公西三從受漳海黃忠端

公

石齋先生諱道周亦謚忠端

三易洞璣及授時西洋回回三麻登

龍山拜徐忠襄公墓

十八年己未公七十歲

天一閣范左垣重訂書目介門士王文三錫庸來求藏書

記 之海昌季子圭一公隨侍 秋之杭與陳子夔獻同

寓吳山至六一泉拜忠端公神位六一泉有兩朝忠烈祠尋改爲廣化寺南

屏尋張蒼水司馬墓 監修明史總裁徐立齋元文葉訥

庵方藹兩學士徵公門士萬處士季野斯同明經貞一言

同修公以大事記忠端公所記三史鈔授之並作詩以送其行

十九年庚申公七十一歲

正月庚子叶姚太夫人卒年八十有七立齋徐公謂公非可

名使就試者可可聘之修史乃與前大理評事興化李映

碧先生清兩人特舉遺獻奉

旨着該督撫以禮敦請公寓書制府李公之芳撫軍李公本

晨代以老病疏辭已又奉

特旨凡黃宗羲有所論著及所見聞有資明史者着該地方

官鈔錄來京宣付史館李方伯士貞因招季子圭一公至

署較勘如千冊使胥吏數十人繕寫進呈公長於史學嘗欲重修宋史而

未就有叢目補遺三卷又輯明史案二百四十四卷故雖不赴徵書而史局大案總裁必咨於公如厯志出於吳檢討任臣之手乞公審正而後定其論宋史別立道學傳爲元儒之陋公謂明史不當仍其例時朱檢討彝尊方有此

議湯公斌出公書以示眾遂去之至於死忠之
籍尤多確核地志亦多取公今水經爲考證 徐公又延

主一公參史局公以書戲之曰昔聞首陽二老託孤於何
父遂得三年食薇顏色不壞今我遺子從公可以置我矣

上太夫人事略於史館

入明史
列女傳

徐果亭官詹訪公黃

竹浦謂勝於過柴桑問浣花也

秋暮天童山曉

本暫
過

訪不值題詩於壁云短杖拄泥深尺許遠隨牛跡辨荒村
先生乘興看花去惆悵斜陽立板門 適海昌過郡城適

輪菴禪師

文文肅
公從子

開法於能仁寺公相見話舊愴然者久

之 謝弔過桐溪休陽汪氏三子

時僑寓
桐溪

周青晉賢季青

出其詩稿求序 自訂南雷文案授門人萬子充宗校鄭

子禹梅序

甬上門士校梓

二十年辛酉公七十二歲

適海昌徐功爨爲其祖忠襄公求神道碑銘公謂白髮青

鏡回理前緒猶可彷彿其六七也 作吏部侍郎章公格

菴 正宸 行狀熊公雨股 汝霖 行狀上之史館 九月公與

慈邑劉仁規訪鄭子禹梅於黃過草堂以筴書壽序祝其

父秦川先生 濬 七十 甬上萬子公擇自淮歸過訪

二十一年壬戌公七十三歲

至郡遇百歲翁陳孝廉賡卿箴以所用拄杖見贈賦詩誌

謝 七月既望與門士陸鈺俟蔣萬爲洪暉吉各賦詩一

章旋里遇十月之望又賦詩一章 嘉善魏允札來求其

父子一先生學源墓銘公謂子一之大節四十年尙然沈

滯則黨人餘論錮之也因爲之發其沈屈 華亭張孝廉

守求其父司馬澹若公履端家傳公追憶五十年前以身

所見聞者銓次其事家國之恨集於筆端不覺失聲痛哭

二十二年癸亥公七十四歲

正月杪甬上後學陳辛學汝咸介眉從萬子充宗來問學

公謂人曰是程門之楊迪朱門之蔡沈也 四月吳門周

子佩先生千里來訪上化安山拜忠端公墓 作金陵懷

舊詩十章寄仲子直方公 平陽寺天岳詣黃竹浦求公

作山翁禪師文集序

公詩第三卷
天岳評點

五月之郡城同門友

董無休

瑒

門人施勝吉

敬

觀徐文長題壁卽次其韻並有

尋禹穴宋六陵懷古詩 同輪菴飲虞咨牧陽和書院時

唱阮大鍼詞其語多刺東林公有句云故翻黨錮作新題

七月之杭王九公邀集湖舫同毛會侯許霜巖王廷獻

賦詩誌感

聞萬子充宗卒於寓往哭之

至崑山主徐

司寇家觀傳是樓書朱之銓以其父文靖公行狀丐墓銘
公廼按狀而銘之

二十三年甲子公七十五歲

之杭遊南山過法相寺 童王兩校書乞詩還天台

二十四年乙丑公七十六歲

往姑蘇訪周子佩先生時先生在僧舍法東坡坐道堂四
十九日厚自鍊養因公至破關出見 往崑山顧景范以
所作鄧丹邱即起西傳請公志之 八月返里萬子公擇自

語溪返過訪 歲暮之甬上並問陳子介眉病介眉即以

千秋相託

二十五年丙寅公七十七歲

督學王公顯菴換攷圖經知忠端公故有祠飭卽故里官

埭浦口老屋三楹肖像存舊王明府嵩伊委沈教諭辰令

燿攝二月祀事公有記 三月忠端公入祠鄉賢公留城

數日值賽神之會舉國若狂作姚江春社賦 淮上顧在

瞻誌自甬過竹浦公謂在瞻如劔客奇材當是稼軒同甫

路上人物 六月丁丑二十仲弟晦木公卒詳全太史鶴

表 遷居周家埠

二十六年丁卯公七十八歲

王巖菴督學刊子劉子文集公取家藏底草與伯繩先生

原本

公次女婿茂林念臺先生家孫也家藏此本

逐一校勘必以手蹟爲據

有刻

子劉子全書啟見未刻稿

淮陽門士田守典來謁聞陳子介眉陳

子夔獻訃音作二律 衢州葉辭遠書來有傳公已物故

者公以詩戲之曰豈邀美醞同丁諷

宋丁諷人傳其死京師諸人致奠美醞盈

室 卻喜流傳似子瞻

子瞻在日人亦訛傳其死

二十七年戊辰公七十九歲

女孫婿萬承勳自五河來謁

父貞一先生時爲五河令

五月之

吳門晤湯文正公潛菴 斌 文正退謂人曰黃先生論學如

大禹導水導山脈絡分明吾黨之斗杓也崑山果亭徐公

自來相接遂至崑山在健菴尙書座有突如而問道學異

同者公曰爲盜賊有對證人不敢爲若道學任人可講誰

爲的證 公有句云土硃點四書朱陸急同異蓋有爲言之也 留崑山一月而返 六

月畫師黃子期自武林觸暑來訪公令寫忠端公正命詩

中識語爲潮神圖及鼇山夫子泣別像太夫人禮斗誦經

二像 子期以傳神著名其師爲謝文侯文侯師曾波臣 九月寓郡城九日拜六

賢書院 卽六賢祠在南羅門畝王顓菴督學行部東浙表章嚴禎忠節立六賢祠以忠端公爲首次劉忠正

宗周施忠愍邦曜倪文正元璐祁忠敏彪佳周文忠鳳翔咸豐辛酉燬於賊宗滌樓觀察稷辰議重建未及舉行附其主於四遂尋古蘭亭土人張敬吾導之始得其地在崇賢書院山下有華表萬厓時徐貞明立十一月四日夢哭王仲攜侍御醒而衾溼

自訂南雷文案吾悔纂撰杖集蜀山集鈎除其不必存

者三分之一曰南雷文定後復欲芟爲文約

文定前集十一卷後集四

卷武密靳熊封使君校刊三集四卷四集四卷山陽小門人戴唯一西泚楊禹江諸先生校刊五集三卷主一公編輯仁和沈荻林廉訪校梓文約四卷慈水鄭南谿先生編梓其板存二老築生壙於忠端

公隴畔內設石牀有築墓雜言

二十八年己巳公八十歲

元夕公會講於姚江書院邑侯康公如璉實來 紹守李
公鐸以鄉飲大賓請公曰某蒙

聖天子之名則避其勞而不往名之爲賓則貪其養而飲食
衍衍可乎哉因作書辭之 主一公自京歸觀呈徐立齋
相國述懷詩三章卽次韻寄之 三月之甬上送萬子季
野北上登清道觀遇馮令儀留宿張鍊師房 集諸老人
作千歲會鄭近川陳賡卿邵陶叔潘某年皆百歲餘六人
亦九十公八十爲最少云 烏山胡氏產麟公謂是大水
之兆作獲麟解

二十九年庚午公八十一歲

二月

聖祖仁皇帝問徐尙書乾學海內有博學洽聞文章爾雅可備顧問者乾學對以臣所知止有浙江黃宗羲學問淵博行年八十猶手不釋卷曾經臣弟元文奏薦

聖祖曰可名至京朕不任以事如欲回卽遣官送之乾學對前業以老病辭恐不能就道也

聖祖因歎人才之難如此 督學晉陵周公清源按臨東浙

舟次竹浦訪公山中 雲間族姪仲簡公炳來姚訪尋祖

墓公展閱家譜知爲竹橋畷頭之支

公集族祖文僖公諱
珣道南公諱韶半山

公諱嘉仁潁州公諱嘉愛丁山公諱元金景州公諱尚質
蟹菴公字伯川遺稿爲黃氏擴殘集仲簡公任剡鵬之事

三月之杭次子直方公隨侍廣化寺拜忠端公神位遂

往姑蘇弔劉龍洲先生墓同周子潔文與也

點文肅
公孫門士

裘殷玉璉遊虎邱遇蔡九霞張茂深賦詩一章五月始返

至五夫見大鳥滿田初以爲鸛察之則鶴也公謂東浙

無鶴海鳥之來其如魯之鸛鶴天津之杜鵑乎 七月杪

大雨山水驟至忠端公祠圯姚人訛言邑當沈父老思爲

壓勝之術祭告城隍神徹城樓餘姚縣二大字投之江公

作姚沈記 十月復之杭六一泉謁忠端公神位先覺祠

謁講學諸賢

崇禎初子劉子講建五君子祠於西湖先忠端公與魏忠節及其子學淨生於浙周忠毅

宦於浙高忠憲講學於浙也尋改爲先覺祠並祀講學諸賢今移附六一泉廣化菴後

三十年辛未公八十二歲

得吳公及

裔之霞洲先生子

手書公感四十三年前航海之事賦

詩二章

靳使君熊封

治荆

任新安招公遊黃山公遂之

新安爲黃山之遊龍鍾曳杖一步九頓適汪栗亭黃山續

志告成公卽爲之序四月杪旋里 復建忠端公祠於新

城南門

三十一年壬申公八十三歲

海鹽李明府梅墅請公主講不果 宋中丞牧仲學以詩

贈公次韻卽寄 秋七月公病幾革文字因緣一切屏除

接仇子滄柱都中來書言北地買醇庵若水子已將明儒學

案梓行公暫徹呻吟作序文一首口授季子主一公書之

公平日讀水經注參考各省通志多不相合乃不襲前

作條貫諸水名曰今水經是年書成遂序之桐川鮑以文校梓

是年後所作文曰病榻集今入文定五集 修儒學落成公爲記

三十二年癸酉公八十四歲

寄萬子貞一五古五百字 姚志底本皆公所著攷核頗

詳而人物一門爲後來妄增顛倒公恐言之則招怨因作
八絕使讀者可追尋也 明文海四百八十二卷選成謂

主一公曰唐文苑英華百本有明作者軼於有唐非此不
足存一代之書願讀本不須如許我爲擇其尤者若干篇

授汝讀之於是有明文授讀六十二卷

四明門士張子錫
現校梓公又有續

宋文鑑元
文鈔未梓

冬仲子直方公卒

三十三年甲戌公八十五歲

正月抄萬子公擇冒雪來訪信宿而去八月卒公思之如

陽明之於曰仁不俟其家人之請而銘之

萬履安先生八子多從公遊而

公擇充宗季野三先生最稱高座云

甲子八月二十九日

長子棄疾公卒

棄疾公幼患病

疴博學強記著有留窮草

哭徐立齋相國

三十四年乙亥公八十六歲

七月癸亥三日卯時考終正寢

疾革諭家人曰我死後即

於次日昇至壙中斂以時服一被一褥安放石牀不用棺

槨不作佛事不做七七凡鼓吹巫覡銘旌紙幡紙錢一概

不用作葬制或問

載文定五集全氏祖望曰公自以身遭家國之變期於速朽而不欲明言其故

耳又書黎洲末命一篇

畧云余壙雖成然頂未淋土非三百擔不可此吾日夕在心者也吾

死後卽於次日之蚤用棕紉擡至壙中一被一褥不得增益棕紉抽出安放石牀壙中須令香氣充滿不可用紙塊錢串一毫入之隨掩壙門莫令香氣出外墓前隨宜分爲階級拜壇其下小田分作三池種荷花春秋祭掃培土要緊切不可以一兩擔循故事而已其祭品乾肉一盤魚腊一盤果子兩色麻糍一盤饅首一盤上墳須擇天氣晴明第一不可殺羊天雨變爲堂祭此流俗無禮之至也凡世俗所行折齋做七一概掃除來甲者五分以至一兩并紙燭盡行卻之相厚之至能於墳上植梅五株則稽首謝之有石條兩根可移至我壙前作望柱上刻不事王侯持子陵之風節詔鈔著述同虞喜之傳文若再得一根架以木梁作小亭於其上尤妙

主一公謹遵末

命卽於卒之次日昇至化安山安臥壙中卽塞壙門其壙

前片石平時嘗求鄭高州梁爲文勒之高州卒未及成文

後鄭人全太史祖望補爲之曰梨洲先生神道碑文銘曰

魯國而儒者一人矧其爲甘陵之黨籍匡海之孤臣寒芒

熠熠南雷之村更憶萬年吾銘不泯

梓入鮎
琦亭集

三十八年學使黃岡張公石虹

希良

如詳批准入祀府庠

五十六年學使休甯汪公荇洲

灑

捐俸置姚邑通德鄉作字

號田四十一畝有奇爲公祀田

汪公係鄭寒村先生甲戌會試分房所得士此舉蓋

南谿請 之也 紹守古渙俞公

卿

有記海昌查編修

慎行

書丹勒

石越三十餘年公仲子後嗣某以賤值私質於族內祇僅

十緡公曾孫雪汀公

儲文

以原質價贖其二之二元孫

穉圭公

璘

清遠公

璘

以原質價贖其三之一各入於私雪

汀公并移碑石藏於家惟戶管仍屬通德三都三里文孝

公祀奉憲永不準易戶故也

同治二年清釐戶管開列黃文孝祀作字號田四十一畝

一分一釐八毫永不易戶

一時士論譁然雪汀公歸四畝於公祭霜露

淒然烝嘗未能備物矣

本慈水鄭徵君書常孝廉勳祀田記後跋案文孝祀田係汪公捐助

豈有可分裂入私之理繇出質後雪汀稗主諸公訟諸官以私貨贖歸未取贖費於公祭因據其田而收所入以償本息延滯至今後賢有能復其舊者亦九原所深慰也人遂以爲入私耳

錄字號畝分於後

作字號八分八五惟一畝九五惟三分五七惟三畝一二畝一畝四九畝一畝

三五畝一畝九八八畝四畝四畝三畝八畝三畝一畝四畝五分四二畝一畝一五五畝五分九二畝一畝四畝四分五

畝二畝六五四畝一畝八三畝二畝二三七畝一畝一三

畝一畝零七畝二畝二四畝一畝九八七五畝一畝八

六十一年慈谿鄭子南谿性建二老閣於半浦祀公及其祖

秦川公諱成其父寒村先生梁之志也春秋致祭至今百

五十年矣

同治十一年舅孫炳屋建留書種閣取公楹聯留天下讀書種之意於舊居

西北爲觀象讀書之所閣凡三層上層爲觀象樓謹奉公遺像於中朝

夕瞻仰用勗紹衣之志云光緒乙亥敬題聯語於神座旁云耆年終乙亥距誕生小子六

甲兩周愧而今運轉三元趨步難追祖武幽閑建壬申溯繼序大宗七傳遞嬗願此後祀延百世詩書弗替家聲

光緒六年冬舅孫炳屋以己貲置絲字號田六畝於竹山橋

西助入公祭俾各房輪年收息爲祀事之資七年秋邑侯

太原高公桐撰碑記附錄於左

姚江爲人物淵藪立德立功立言代不乏人

國初遺老中理學文章爲海內宗仰者莫如黃公黎洲先生

丁丑夏桐承乏是邦下車之初適南昌梅公啟照巡撫兩

浙立算學局於省城請先生七世宗子蔚亭孝廉炳屋主

其事蔚亭辭不往梅公桐勸駕因得登畱書種閣敬瞻

先生遺像竊歎源遠流長遺澤至今未泯也旣而蔚亭以

先生年譜見示知康熙間先生有作字號祀田四十一畝

奇爲休甯汪公澂視學兩浙時捐廉所置紹郡守古復俞

公卿撰記勒諸石乾隆初有不肖者以每畝十緡私質於

族族人利其田美而價廉也受之乾隆季年先生季子之

孫雪汀上舍儲文以原質價贖二十六畝奇先生元孫穉

圭大令璋與弟情遠上舍璠以原質價贖一十四畝奇各

入於私惟戶管仍係通德三都三里黃文孝祀奉憲永遠

不準易戶故也一時士論大譁雪汀心不自安歸四畝於

公祀因是烝嘗草草不堪寓目者歷數十年桐爲掩卷太

息者久之蔚亭恫念先祀之不克如儀也頻年節衣縮食

以主講四明所入修脯置絲字號上則田六畝助入公祭

竝立黃梨洲公祭戶於西北一里俾各房輪年收息爲祀
事之資酌定祭規豐儉適中期於勿替焉或有勸其向贖
田之後人追復舊產者蔚亭曰昔吳康齋以祭田訟弟時
論訾之且余老矣無能爲矣夫人各有天良彼將自致諸
公也噫其用心之厚慮事之周豈尋常孝子慈孫可同日
語耶今秋乞桐撰增助祀田碑記以垂久遠并請註永遠
不準推付別戶字樣於冊桐竊惟興舉祀產後嗣之賢而
鼓勵風俗守土之分蔚亭一介寒儒非有倉箱之饒裕可
供享用也非有腰纏之充積可資揮霍也乃痛先靈之幾

賤而以硯田所穫購產而助之公視世之貪利忘本者相
去何如哉桐雖謫陋亦樂記其事爲維風敦俗之一助尤
願後日宰此土者援有舉莫廢之義以維持之俾先生各
後嗣皆有以觀感而油然而生其報本反始之心是又桐之
厚望也夫

乙巳長夏輯成此稿卷分爲四公之一言一事與夫文詩
目之有年可稽者拮據殆盡久爲同志鈔傳矣戊申己酉
間宗滌樓先生講學吾姚龍山書院就而正焉先生曰年
譜自有體例曷以誇多鬪靡爲遺獻事實甚繁取其言行
之大節師友之結契際遇之轍軻行蹤之經歷有足見性
情學問者編而入之使後人得以論世知人已耳瑣屑之
事盍從芟削且年譜之作將弁諸遺集也文定詩厯諸篇
各標年次而復次其目於譜中毋乃贅乎 炳 因刪繁就簡
合爲三卷兵燹時存於闕下者是也歲丙寅重加釐訂時

先生歸老越中炳復繕清乞正先生曰得之矣不違陽明
戴山二先生年譜之例矣今剞劂告成而先生已歸道山
六稔爰書此以志師承之自云癸酉仲秋炳屋又識